

INUIT ATAQATIGIIT

Inatsisartuni



UKA 2019/228
16. maj 2019
Stine Egede

**Uunga siunnersuut: UPA 2019/208 – Tarnimikkut napparsimasunik
nammineersinnaajunnaarsitsisarneq allatigullu pinngitsaaliissummik
iliuseqartarneq pillugit Inatsisartut Inatsisaat nr. xx, xx. xxx 2019-imeersoq**

(Peqqissutsimut Isumaginninnermut Inatsisinullu Atuutsitsinnermut Naalakkersuisoq)

Inuiaqatitta ilaasa tarnimikkut napparsimalertarnerat tamatta arajutsisimangilarput. Ilarpassuulu ajoraluartumik paakkutarineqarluarneqannginnertik, ilaatigullu ilaqtaminnit tapersorsorneerussimanertik, ilami allaat ilaqtaminnit attavigineerussimanertik pissutigalugu nammineertorujussuullutik inuuneqalertarput, ajoraluartumillu ilai ima ajortigilersinnaasarpur imminnut, allanulluunniit ulorianartorsiortitsisinnaasarlutik.

Soorunami ilaqarpugut ilaqtalinnik ilungersorlutik ikiuviniartartunik aammalu amerlasuutigut sullissinerup iluani ajoraluartumik aporfissalersorneqartartunik. Ilaatigullu ajuusaarnaqisumik kinguneqartarlutik.

Ilai pinerlussinnaasarpur sakkortuunik, imminnulluunniit ajutumeertissinnaasarlutik.

Nunatsinni ataqatigiissaarinerusariaqarpugut susassaqtut ilutsinni. Tarnimikkut napparsimasup "peqqinnartumik" sullinneqannginnerisa kinguneranik takusarpagut ilai napparsimasorujussuannortartut. Aatsaalli amerlasuutigut taamaaligaangata ilungersortoqalersarpoq, sunarujussuarlu tikillugu suliniarneq immaqa piaartumik pisimagaluarpat kikkunnut tamanut pitsaanagerusumik kinguneqartussaagaluq, annertuninngortarpoq aammalu akisunerujussuannortarluni.

Napparsimaveqarfanni tarnikkut napparsimasunik peqqissaasunik sulisussanik (psykiatrisk sygeplejersker) pissarsiniarneq ajornartorujussuuvuq. Ajoraluartumik amerlasuut suliffimmi sivirusunerusumik uninnganeq ajormata. Ilaatigut immaqa piffinni kiserliorneq misigisarpaat, peqatissaqannginneq pequtigalugu. Taamaattumik nunatsinni nammineq sulisutta aalajaatsut sakkusnaanik, tassalu pikkorissarnernik allatullu, tuniorarneqartariaqarpur. Taakuusarmatami aamma piffinni pissutsinik, nunaqqatiminnillu ilaqtariinnik ilisarissimannittut. Aammattaaq kommunit, politiit, atuarfiit, susassaqtullu allat suleqatigiilluarnissaat pinngitsoorsinnaangilarput.

Qujanartumik Inuit Ataqatigiinni naalakkersuisuutitaqarnitsinni tarnimikkut napparsimasut uninngaviannik A1-mik, nutarterinissaq suliniuteqaqataaffigaarpur. Tamannalu piviusunngoraluttualerpoq. Ukiorpasuaru tattoqillunilusoq katsorsaaniarneq pitsaanagerusunik periarfissaqarluni ingerlalnissaa neriulluarfigaarpur. Neriulluta tamatuma malitsigisaannik aamma napparsimasunut pitsaanagerusumik sunniuteqalerumaartoq.

Eqqaanngitsoorsinnaanngilarattaaq qallunaat nunaanni Risskov-imi uninngasuutitta Skejbymut nuunneqarnerini assorsuaq inigisatigut pitsanngoriartoqarsimammat. Tappavanilu uninngasut sullinneqarluarneri, sulisullu pikkorissut pigineqarneri januarimi inatsisini ataatiititaliami pulaarnitsinni nammineerluta isitsinnik takusavut isumalluarnarigakkit.

Inatsisissap matuma allannguutissai isumaqatigalugit, tassami inatsisip nutartertuarneqarnissaa pisariaqartartussaammat ataatiititaliami sukumiisumik suliarilluarneqarnissaa innersuullugu, ataatiititaliamut susassaqartumut, tassalu Inatsisinut Ataatiititaliami suliarineqarnissaa innersuussutigaarput.

Qujanaq.